

Олимлардан таъзия изҳори



15:00 / 17.06.2021 2510

Бироз олдин менга фозил, олим, ҳушёр, закий, зийрак, фаол йигит, фазилатли шайх Ёрқинжонинг вафот этгани хабари келди. У Ўзбекистондаги мен таниган аҳли илмларнинг энг яхшиларидан эди. Уни Аллоҳнинг ҳузурида шаҳид деб умид қиламан. Чунки, у Қирғизистонда юз берган автоҳалокат сабабли вафот этди. Аллоҳ уни раҳматига олсин ва унинг масканини жаннат боғидан қилсин!

Шайх Муҳаммад Жамолиддин Ҳошим

У киши Истанбулда бўлганимда таниганларимнинг энг яхшиларидан эдилар. Ажойиб ахлоқ соҳиби, ниҳоятда тавозули эдилар. Аллоҳ таоло у кишини кенг раҳматига олсин, мағфират этсин, масканларини жаннат боғидан қилсин, ўринларини жаннат айласин ва бизни у инсон билан (жаннатда) бирга айласин!

Муҳаммад Абдулфаттоҳ Амаанаҳ

Бироз олдин автоҳалокат туфайли вафот этгани хабари келган устоз, даъватчи Ёрқинжоннинг вафоти муносабати билан Азҳари шарифдаги Ўзбекистон талабаларига таъзия билдираман. Аллоҳдан у кишини мағфират этишини, раҳматига олишини ва масканини олий фирдавс жаннатидан қилишини сўрайман!

Аҳмад Маҳмуд Шариф



Таржимон: Нозимжон Ҳошимжон